

Annwyl Gyngorydd Down

Ymhellach i'm neges ebost ar 21 Gorffennaf 2015, rwyf bellach mewn sefyllfa i ymateb i'r cais am wybodaeth a gyflwynwyd gennych ar 21 Gorffennaf 2015, sef:

Faint y mae eich presenoldeb yn Sioe Frenhinol Cymru yn ei gostio i drethdalwyr? A wnewch chi gynnwys costau staff yn ogystal â chostau "caled".

O'r wybodaeth yr ydym wedi'i chasglu hyd yn hyn, cyfanswm cost ein presenoldeb yn y Sioe yw £17,343.25 gan gynnwys TAW lle bo hynny'n berthnasol. Dylid nodi bod y swm hwn yn cynnwys rhai treuliau sydd wedi'u hawlio gan staff, ond mae'n bosibl y bydd treuliau ychwanegol i'w talu sydd heb eu hawlio eto. Sylwch fod elfennau o'r swm a nodwyd uchod yn seiliedig ar ein hamcangyfrif gorau. Er enghraifft, nid ydym yn cadw gwybodaeth wedi'i chofnodi am faint o rai mathau o eitemau hyrwyddo a gafodd eu dosbarthu. At hynny, roedd rhai o'r eitemau a ddefnyddiwyd yn dod o stoc a oedd gennym eisoes ac ni chawsant eu prynu'n benodol i fynychu'r digwyddiad. Serch hynny, rydym wedi cynnwys y rhain yn ein cyfrifiadau er mwyn sicrhau bod y wybodaeth yn gyflawn. Yn ogystal, bydd rhai eitemau y bu i ni eu prynu yn cael eu haildefnyddio mewn digwyddiadau yn y dyfodol. Byddaf yn cysylltu â chi eto pan fyddwn wedi casglu manylion yr holl dreuliau sy'n weddill i'w hawlio gan y staff, a byddwn yn cyhoeddi'r cyfanswm terfynol ar ein gwefan maes o law.

Bu i ni fynychu'r digwyddiad er mwyn hybu ein gwaith ymgysylltu â'r cyhoedd. Mae ein cynllun blynyddol ar gyfer 2015-16

http://www.archwilio.cymru/cy/system/files/publications/annual_plan_2015_welsh.pdf yn egluro ein blaenoriaethau dros dair blynedd, ac un ohonynt yw "Ymgysylltu'n fwy effeithiol â'r cyhoedd, eu cynrychiolwyr a rhanddeiliaid eraill er mwyn asesu ein perfformiad a mesur effaith ein gwaith a'n llwyddiant". Bu'r Bwrdd yn ystyried yn ofalus costau a manteision mynychu'r digwyddiad hwn cyn gwneud penderfyniad terfynol i fynychu. Roedd gennym bedwar amcan ar gyfer y digwyddiad:

1. Rhannu gwybodaeth ag aelodau'r cyhoedd am yr hyn yr ydym yn ei wneud
2. Gwrando ar yr hyn sydd gan bobl i'w ddweud am y gwasanaethau cyhoeddus yr ydym yn eu harchwilio
3. Casglu adborth gan aelodau'r cyhoedd ynghylch yr hyn y maent yn ei wybod am ein sefydliad a'r gwaith yr ydym yn ei wneud, a
4. Defnyddio'r Sioe i hyrwyddo gyrfaedd o fewn Swyddfa Archwilio Cymru, ac yn benodol ein cynllun recriwtio graddedigion.

Nid wyf wedi defnyddio unrhyw eithriadau, fodd bynnag os hoffech gwyno am y modd yr wyf wedi ymdrin â'ch cais mae croeso i chi anfon ebost neu lythyr ataf.

Os oes gennych unrhyw ymholiadau, mae croeso i chi gysylltu â mi.

Yr eiddoch yn gywir

Ian Phillips

Annwyl Gyngorydd Down

Ymhellach i'm neges ebost ar 18 Awst 2015, rwyf bellach mewn sefyllfa i ddarparu cost derfynol ein presenoldeb yn Sioe Frenhinol Cymru. Y ffigur a roddais i chi'n flaenorol oedd £17,343.25 gan gynnwys TAW lle bo hynny'n berthnasol, ond fel y nodais yn fy ebost ar 18 Awst 2015 roedd y swm

hwnnw'n amodol ar unrhyw dreuliau a oedd yn dal heb eu hawlio gan staff. Mae'r holl staff bellach wedi hawlio eu treuliau, a chyfanswm cost ein presenoldeb oedd £17,903.27 gan gynnwys TAW lle bo hynny'n berthnasol.

Os oes gennych unrhyw ymholiadau, mae croeso i chi gysylltu â mi.

Yr eiddoch yn gywir

Ian Phillips